


# Maman!



## IDEIS PE LETURE



Progjet promovût di 'Il Friuli' e 'ARLeF'

D. Crapiz e D. Alessio, "GjatUT e il pessut", golaine "StoriUTis", Didatiche Kappa Vu, 2010.

## LAVORUT

### PES DI AVRÏL



#### CE CHE US COVENTE

- cjapin di len di 5 centimetris;
- cartoncin;
- penarei;
- fuarpiis cu la ponte taronde;
- cole o scotch biadesif.

#### CEMÛT FÂ IL PES DI AVRÏL

- dissegnâ a man libare suntun cartoncin il pessut (no plui grant di 4 centimetris);
- piturâ il dissen;
- taiâ ad ôr de olme il dissen;
- taiâ une targute di cartoncin e scrivi "Pes di Avrîl";
- tacâ cu la cole o cul scotch il pes e la targute intal cjapin di len;
- taiâ in orizontâl li che e je la bocje.

E cumò al pâr che il pes al vierzi fin la bocje!

## LIS AVENTURIS DI VIGJI E LUMI



### CJÂR DIARI,

o ai sintût a dî par television che ca di trê dîs al è il Prin di Avrîl.

O soi plen di smanie di fâ cualchi scherç ae mê paroncine e cumò o soi daûr a preparâ dut ce che mi pues coventâ par fâmi cuatri ridadis.

Ve ca la liste di ce che o fasarai:  
- cuntune savonete o lustrarai il pavimento dal bagn. Sâstu ce ridi a viodile cjaminâ intun pavimento  
**sbrissôs;**

- o metarai la cjarte pelicule sul lavandin cussì quant che e vierzarà la aghe

dal rubinet e sclipignarà fin par tiere;  
- intal spacetin di dincj o zontarai un tic di colôr alimentâr



par fâi vignî ducj i dincj verts;  
- o romparai un ûf dentri des sôs çavatis. Cuissà ce zigadis quant che ses metarà sù.

E po... o fasarai 'sisin sul tapêt!

Mmm... Isal forsît un tic masse? Al è che... cheste fieste e je masse biele!

Bussadis, il to Vigji



Dissen di Alessia di Blancjade

**SBRISSÔS**  
CHE AL PUES FÂ  
SBRISSÂ O FÂ  
COLÂ PAR  
TIERE

## Tant par ridi



Pierut al cor li di sô mari e al sberle: "Mame! Il pai al è colât jù dal cjust!"

La mari alore e cor intal cjust svelte come una saete, ma no cjate nissun.

Pierut al dîs: "Pes di Avrîl! Al è colât in cantine!"

## LU SAVEVISO CHE...?

■ La tradizion di doprà il pes par fâ i scherçs il prin di Avrîl e rive di un mateç fat di Cleopatre. Intant di une gare di pescje e di fat meti un pes fint tacât dal am de cjane di Marc Antoni par cjastiâlu par l'imbroi che lui al veve pensât par vinci sore di ducj chei altris participants.



Maman! al cambie orari: fin vinars ai 29 di Març al larà in onde ogni

telefriuli



vinars aes 5.00 sot sere

Pagjine curade di Daria Miani e dal Sportel Regjonâl pe Lenghe Furlane de ARLeF

ARLeF  
AGENZIE  
REGIONÂL  
PE LENGHE  
FURLANE